

Na osnovu člana 45. stav 2. Zakona o zaštiti stanovništva od zaraznih bolesti ("Službene novine Federacije BiH", broj 29/05), federalni ministar zdravstva donosi

PRAVILNIK

O UVJETIMA KOJIMA MORAJU UDOVOLJAVATI ZDRAVSTVENE USTANOVE KOJE OBAVLJAJU IMUNIZACIJU PROTIV ŽUTE GROZNICE I BJESNILA

Član 1.

Ovim Pravilnikom propisuju se uvjeti u pogledu stručne spremljenosti i prostorija, kojima moraju udovoljavati zdravstvene ustanove koje obavljaju imunizaciju protiv žute groznice i bjesnila.

Član 2.

Zdravstvena ustanova koja obavlja imunizaciju protiv žute groznice i bjesnila mora imati doktora medicine specijalistu iz epidemiologije ili infektologije.

Član 3.

Zdravstvena ustanova koja obavlja imunizaciju protiv žute groznice i bjesnila mora posjedovati slijedeću opremu i preparate:

1. rashladne uređaje za čuvanje i transport vakcina sa potrebnim termometrima;
2. instrument za mjerenje temperature;
3. štrcaljke i igle za jednokratnu upotrebu;
4. anti šok terapiju.

Član 4.

Zdravstvena ustanova koja obavlja imunizaciju protiv žute groznice i bjesnila mora imati najmanje slijedeće prostorije:

1. ulazni prostor;
2. čekaonicu;
3. sanitarni čvor za pacijente i sanitarni čvor za zaposleno osoblje;
4. prostoriju za obavljanje imunizacije.

Prostorije iz stava 1. ovog člana moraju zadovoljavati sanitarno-tehničke i higijenske uvjete propisanim posebnim propisom.

Član 5.

Ispunjenost uvjeta iz čl. 2., 3. i 4. ovog Pravilnika utvrđuje stručna komisija koju imenuje federalni ministar zdravstva.

Troškove rada stručne komisije iz stava 1. ovog člana, snosi podnosilac zahtjeva.

Federalni ministar zdravstva posebnim rješenjem propisuje visinu i način plaćanja troškova ostvarenih na ime naknade za rad stručne komisije iz stava 1. ovog člana.

Rješenje o ispunjenosti uvjeta iz čl. 2, 3. i 4. ovog Pravilnika donosi federalni ministar zdravstva i isto se objavljuje se u "Službenim novinama Federacije BiH"

Član 6.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-37-1487/08
20. februara 2008. godine
Sarajevo
